

Эндрин эк — Октябрь

Седкл, зүрк авлсн,
Сәәхн, күмни байр,
Өдгә цагин джиргәлд
Өдр болгън үзгднә,
Санан Спутникд төрдж
Сар, нар төгәлнә.
Көдлмшч, колхозник, бичәч,
Күндтә эврәннь кергән,
Хәләхинь, альд болвчн,
Хурц ухагъан гүүлгдж,
Цагаснь эрт күцәдж,
ЦК-дан седкләрн сонъсхна,
Шин босси заводарн,
Шавшсн ик ургъцарн,
Шүлгин герлтә үгәрн,
Коммуна партин гардврта
Коммунизмн цагт орджахан
Күмнд бахтдж үзүлнә!
Тууджин гүүнәс өндәсн,
Туурсн нер зүүсн,
Төрскм үн өргдж,
Төвкнүн эв делддж,
Күмни хүв харсдж
Күнъкән үгән келнә:
«Дән—дәәсни болдиг
Делкәгъәс цуглулдж хәәлүлхмн!
Сонъстн!» — гисн дуудлгъна
Седклд тааста үг
Орчлнъг оньгдж сонъсад
Омгдж зөвән өргнә!
СССР-ин алдр орнд
Сәәхн хүвтә төрсндән
Байрлдж би ханнав.
Буульмджтә цаган харвдж
Эндрин дииллгъни унъг,
Экинъ үзхәр седнәв.
Санхнь, арвн доладгч
Сүртә джил босна.
Ленинә зака күцәдж
Лурджнънад күрджнънсн
«Аврорин»,
Цагин ирхиг герлтксн,
Цәкллгън нүдндм үзгднә.
Тиигхд аавнр, ахнрин
Тәрсн тәрән ода
Эндр байрар ургъдж,
Элвг джиргәләр шуугдж,
Маанрин хүв болснь
Мини седклд падрна!

КОГЛТИН Дава.